



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

Broj: 01/14-11-1214-5/26
Sarajevo, 30.03.2026. godine

Na osnovu člana 64. stav (1) tačka a), člana 70. stav (1), (2), (3) i (6) Zakona o javnim nabavkama BiH ("Službeni glasnik BiH", br. 39/14, 59/22 i 50/24) (u daljem tekstu: „Zakona“), člana 41. Statuta Grada Sarajeva ("Službene novine Kantona Sarajevo", broj 07/23), a na preporuku Komisije za javne nabavke roba, usluga i radova u Gradu Sarajevu, imenovana Rješenjem broj: 01/14-04-211/26 od 16.01.2026. godine (u daljem tekstu: „Komisija za javne nabavke“) gradonačelnik Grada Sarajeva donosi

ODLUKU

o izboru najpovoljnijeg ponuđača putem Otvorenog postupka – ENP

I

Prihvata se ponuda ponuđača NEIMARI d.o.o. Sarajevo, sa sjedištem u ulici Pijačna 70, 71210 Ilidža– u postupku javne nabavke radova „Radovi tekućeg održavanja Spomenika 'Vječna vatra' u Sarajevu“, provedenog putem otvorenog postupka – ENP, sa ponuđenom cijenom u iznosu od **89.788,00 KM** bez uračunatog PDV-a, sa rokom izvođenja radova u trajanju od **40 radnih dana**.

II

Sa ponuđačem NEIMARI d.o.o. Sarajevo zaključit će se Ugovor o izvođenju radova iz tačke I ove Odluke.

III

Sastavni dio ove Odluke čini Zapisnik o pregledu i ocjeni ponuda od 24.03.2026. godine.

IV

Ova Odluka stupa na snagu danom donošenja.

Obrazloženje

Odlukom o pokretanju postupka javne nabavke putem otvorenog postupka, broj: 01/14-11-1214-4/26 od 25.02.2026. godine pokrenut je postupak javne nabavke radova „Radovi tekućeg održavanja Spomenika 'Vječna vatra' u Sarajevu“. Dana 03.03.2026. godine na portalu Agencije za javne nabavke objavljeno je Obavještenje o nabavci broj: 1278-1-3-17-3-21/26, dok je sažetak obavještenja o nabavci objavljen u Službenom glasniku BiH, broj: 20/26 dana 13.03.2026. godine.

U predviđenom roku za dostavljanje ponuda na protokol Ugovornog organa zaprimljena je jedna (1) ponuda i to NEIMARI d.o.o. Sarajevo, sa sjedištem u ulici Pijačna 70, 71210 Ilidža.

Postupajući shodno odredbama člana 63. Zakona, uz primjenu kriterija ekonomski najpovoljnije ponude, u okviru kojeg su, pored cijene, vrednovani i podkriteriji koji se odnose

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



40



na rok izvođenja radova, Komisija za javne nabavke je u zakazano vrijeme pristupila javnom otvaranju ponuda, te utvrdila elemente pristigle ponude, kako slijedi:

RB	Broj protokola	Ponudač	Datum i sat prijema	Ukupna cijena Ponude bez PDV-a	Ponudeni popust	Ukupna cijena ponude sa popustom bez PDV-a	Rok izvođenja radova
1.	14-11-2601/26	NEIMARI d.o.o. Sarajevo	24.03.2026. u 12:50 h	89.788,00 KM	-	105.051,96 KM	40 radnih dana

Pregledom i analizom dokumentacije koja čini sastavni dio ponude, u svrhu provjere njene valjanosti, odnosno utvrđivanja da li ista ispunjava zahtjeve propisane tenderskom dokumentacijom, Komisija je ocijenila da dostavljena ponuda ispunjava sve propisane zahtjeve tenderske dokumentacije, te je kao takva ocijenjena prihvatljivom za ovaj Ugovorni organ.

Shodno navedenom, Komisija je Zapisnikom o pregledu i ocjeni ponuda od 24.03.2026. godine dala preporuku gradonačelniku Grada Sarajeva za prihvatanje ponude ponuđača NEIMARI d.o.o. Sarajevo, sa sjedištem u ulici Pijačna 70, 71210 Ilidža, kao najpovoljnije u postupku javne nabavke „Radovi tekućeg održavanja Spomenika ‘Vječna vatra’ u Sarajevu“, te preporučila da, u skladu sa članom 70. Zakona, donese Odluku o izboru navedene ponude kao najpovoljnije za predmetnu nabavku, sa cijenom u iznosu od 89.788,00 KM bez PDV-a, odnosno 105.051,96 KM sa PDV-om i rokom izvođenja radova od 40 (četrdeset) radnih dana.

Izabrani ponuđač je u obavezi da u roku od 5(pet) dana od dana prijema Odluke o izboru najpovoljnijeg ponuđača, dostavi Ugovornom organu ostalu dokumentaciju propisanu tenderskom dokumentacijom.

Na osnovu preporuke Komisije za javne nabavke roba, usluga i radova u Gradu Sarajevu, a u skladu sa Zakonom o javnim nabavkama Bosne i Hercegovine, podzakonskim aktima i tenderskom dokumentacijom, odlučeno je kao u dispozitivu ove Odluke.

Pouka o pravnom lijeku: Protiv ove Odluke dozvoljena je žalba. Žalba se izjavljuje u roku od deset (10) dana od prijema Odluke, Uredu za razmatranje žalbi putem Ugovornog organa, u dovoljnom broju primjeraka.

GRADONAČELNIK

s.r. Samir Avdić

Dostaviti:

1. NEIMARI d.o.o. Sarajevo (1x),
2. spis (3x).